

դատարանի , և սպասէին զալստեան Կուսակալին զործագրել զայն : Ապա սկսան պարծանօք խօսիլ այս և անդր , թէ Հայք զինի աւուրց ինչ ունին հանդիպիլ մեծամեծ վնասուց եւ խսալու գրկիլ 'ի քաղաքէս : Իսկ դպրատեա զատարանի Ալի էֆէնտի լուեւայն ազգ արար Թէոդորոս Պատրիարքի զգործս Յունաց , և հանեալ զպատճէն հրովարտակին վաւերեալ 'ի գատաւորէն երեք զայն . զոր տեսեալ ապշեցան և զարհուրեցան յերեսաց ահազին վտանգի : Եւ կոչեալ զգատաւորն ետուն նմա գրել Ելամ ըստ մտաց գրոցն Հայոց՝ յիշելով 'ի նմա գրովանդակ վանօրայս Հայոց , զբաժին տեղիս և զերիս հետեւակ ազգս , այլովքն հանդերձ . զպատճէն հրովարտակին Յունաց , եւ զոմանս հին հրովարտակացն Հայոց , և զայլ կարեւոր գրեանս պատրաստեալ յանձն արարին Ադրիանուպօլսեցի Պօղոս վարդապետին , եւ առաքեցին ծածկապէս ցամաքաւ 'ի Կոստանդինուպօլիս : Թէպէտեւ Թէոդորոս Պատրիարք ինքնին կամեցաւ երթալ , որպէս յայտնի երեւի 'ի նամակաց նորին , այլ միաբանք արգելին զնա 'ի խորհրդոյն , զի մի 'ի հեռանալ նորին 'ի քաղաքէն սրբոյ , Յոյնք առաւել համարձակութիւն գտեալ , դառնացուսցեն զինքեանս : Իսկ Պօղոս վարդապետ տկարացեալ 'ի ճանապարհի տապանայր 'ի անդէ , և հասեալ հիւանդագին 'ի Կոստանդինուպօլիս , յանձն արար զգրեանս փոխանորդ Յակոբ Եպիսկոպոսին , եւ ինքն անկաւ 'ի մահիւն : Եւ Յակոբ Եպիսկոպոս եցոյց զգրեանս գլխաւորաց ազգին , և ազաչէր զնոսա , որպէս Պատրիարքն եւ միաբանք Երուսաղէմի , չառնել անտես զճանրակչիս խնդիրս ազգին , և փոյթ տանել յեղծումն հրովարտակին Յունաց , և նորոգել զՀայոցն : Քանզի Յոյնք չրջեալ 'ի կողմն իւրեանց զԱրքունի քարտուղարս , ետուն ջնջել և բառնալ 'ի դիւանաց զարձանագրութիւնս հին և նոր հրովարտակացն Հայոց . թէպէտեւ բազումք 'ի գլխաւորաց ազգին խորհէին գտանել զհնարս և զարմանել զվերսն , զոր քնկալան 'ի գաղտնի նետաձգութեանէ Յունաց , այլ դէպք ժամանակին ոչ յաջողէր նոցա գործել համարձակ . զի ոմանք 'ի նախարարաց որք էին վալիտէ քեահեասի Եուսուֆ , Իպրահիմ քեահեայ՝ Ինկիլիզ Մահմուտ , Հաճի Իպրահիմ՝ և այլք կամակից սոցին , ո .